



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77 հեռ. 010 51-29-53 էլ. hawgt patrol-service@police.am

N 9/23983

<<08>> 11 2022թ.

**Անդրեյ Կոնովալովին
Արարատի մարզ, ք. Արտաշատ, Օգոստոսի փող., 23 փ.**

Ուղարկվում է Ձեր դիմումի հիման վրա ՀՀ ոստիկանության պարեկային ծառայության վարչական բոլորքների քննության բաժանմունքում իրականացված վարչական բոլորքարկման վարույթի արդյունքում թիվ 8180165597 որոշումը բեկանելու և վարչական իրավախախտման վերաբերյալ գործի վարույթը կարճելու մասին որոշման օրինակը :

Առդիր՝ << 3 >> թերթ

**Պեպ
ոստիկանության գեղապետ՝**

Ա.Ումրշապյան

Կատ. Ա. Նիկողոսյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 07.11.2022թ-ին կայացված թիվ 8180165597 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<<08>> 11 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա.Ումրշատյանս, վերանայելով Անդրեյ Կոնովալովի /Այսուհետ՝ դիմող/ 07.11.2022թ. դիմումի հիման վրա հարուցված վարչական բողոքարկման վարույթի նյութերը

Պ Ա Ր Զ Ե Ց Ի

07.11.2022թ., ժամը 10:40-ին Երևան քաղաքի Արշակունյաց պողոտայում դիմողի վարած «ՍՈՒԶՈՒԿԻ» մակնիշի SS^{04/11} 6547 հ/հ-ի տրանսպորտային միջոցը կանգնեցվել է ՀՀ ոստիկանության պարեկային ծառայության Երևան քաղաքի գնդի 4-րդ գումարտակի 3-րդ վաշտի կրտսեր պարեկ Շալիկո Եգորյանի կողմից:

Վարորդի նկատմամբ կազմվել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 135.5-րդ հոդվածի 4-րդ մասի համաձայն կայացվել է թիվ 8180165597 որոշումը՝ դիմողին տուգանելով 20.000 ՀՀ դրամ գումարի չափով:

Դիմողը 07.11.2022թ.-ի դիմումով խնդրել է բեկանել ՀՀ ոստիկանության պարեկային ծառայության վարչական իրավախախտման վերաբերյալ գործով 07.11.2022թ. կայացված թիվ 8180165597 որոշումը՝ նշելով, որ վարչական իրավախախտում չի կատարել և դիմումին կից ներկայացրել է ՃՈ Արտաշատի ՀՔԲ-ի կողմից 04.11.2022թ. տրված տրանսպորտային միջոցը պետական գրանցումից(հաշվառումից) հանված լինելու թիվ 9095995 տեղեկանքը, SS^{04/11} 6547 տարանցիկ համարանիշի լուսանկարի պատճենը, ինչպես նաև դիմումով հայտնել է, որ 07.11.2022թ. իրեն տրամադրվել է սխալմունքը ուղղված ճիշտ SS^{04/12} 6547 տարանցիկ համարանիշը, որի լուսապատճենը կցված է դիմումին:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով, քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական ակտը ենթակա է բեկանման հետևյալ պատճառաբանությամբ և հիմնավորմամբ.

ՀՀ ոստիկանության պարեկային ծառայության ծառայողի պարզաբանման համաձայն՝ 07.11.2022թ., ժամը 10:40-ի սահմաններում Երևան քաղաքի Արշակունյաց պողոտայում ծառայություն իրականացնելիս նկատել է <<ՍՈՒԶՈՒԿԻ>> մակնիշի SS^{04/11} 6547 տարանցիկ համարանիշերով տրանսպորտային միջոցը, որի համարները եղել են ժամկետանց: Սահմանված կարգով կանգնեցրել է նշված տրանսպորտային միջոցը, վարորդի կողմից ներկայացված վերոգրյալ տեղեկանքը ուսումնասիրելով և ժամկետի վերաբերյալ գրառման բացակայությունը տեսնելուց հետո է միայն կազմել վարչական իրավախախտման վերաբերյալ արձանագրություն և կայացրել որոշում:

ՀՀ կառավարության 2010 թվականի սեպտեմբերի 9-ի N 1251-Ն որոշման 2-րդ հավելվածի 18-րդ կետի 2-րդ ենթակետի համաձայն՝ Հաշվառումից հանելիս, բացառությամբ սույն կարգի 14-րդ կետում նշված դեպքերի, տրանսպորտային միջոցների

հաշվառման համարանիշերը հանձնվում են հաշվառման ստորաբաժանում, և դրանց փոխարեն տրվում են՝ **տրանսպորտային միջոցը Հայաստանի Հանրապետության տարածքից մշտապես արտահանելու դեպքում՝ «տարանցիկ» համարանիշեր՝ 30 օր ժամկետով:**

«Ճանապարհային երթևեկության անվտանգության ապահովման մասին» ՀՀ օրենքի 24-րդ հոդվածի 1-ին մասի համաձայն՝ տրանսպորտային միջոցի սեփականատերը պարտավոր է ապահովել տրանսպորտային միջոցի տեխնիկապես սարքին վիճակը՝ համաձայն տրանսպորտային միջոցի շահագործումը թույլատրող պայմանների ու շահագործումն արգելող անսարքությունների և պայմանների ցանկի:

«Ճանապարհային երթևեկության անվտանգության ապահովման մասին» ՀՀ օրենքի 18-րդ հոդվածի 1-ին մասի «ը» կետի համաձայն՝ տրանսպորտային միջոցի երթևեկությունն արգելվում է, եթե՝ վարորդը տրանսպորտային միջոցը վարում է կեղծ, փոխված կամ ստանդարտին չհամապատասխանող հաշվառման համարանիշներով (**ժամանակավոր համարանիշների դեպքում՝ նաև ժամկետանց համարանիշներով**) կամ առանց հաշվառման համարանիշների:

Ուսումնասիրելով դիմողի կողմից ներկայացված տրանսպորտային միջոցը պետական գրանցումից (հաշվառումից) հանված լինելու մասին թիվ 9095995 տեղեկանքը՝ պարզ է դառնում, որ դիմողին SS ^{04/11} 6547 տարանցիկ համարանիշը հատկացվել է 04.11.2022թ.-ին 30 օր ժամկետով, որը գործողության մեջ է եղել մինչև 04.12.2022թ.:

07.11.2022թ.-ին կազմված վարչական իրավախախտման վերաբերյալ արձանագրության և կայացված թիվ 8180165597 որոշման ուսումնասիրությունից պարզվել է նաև, որ վարչական իրավախախտման վերաբերյալ արձանագրության մեջ պատասխանատվություն նախատեսող նորմ նշվել է «Վարչական իրավախախտումների վերաբերյալ» ՀՀ օրենսգրքի 135.5-րդ հոդվածի 3-րդ մասը, իսկ կայացված որոշման մեջ՝ նույն օրենսգրքի 135.5-րդ հոդվածի 4-րդ մասը, սակայն վերագրյալ իրավախախտման համար պատասխանատվությունը նախատեսված է «Վարչական իրավախախտումների վերաբերյալ» ՀՀ օրենսգրքի 123.5-րդ հոդվածի 3-րդ մասով:

«Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի ա կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

«Վարչական իրավախախտումների վերաբերյալ» ՀՀ օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

<<Վարչական իրավախախտումների վերաբերյալ>> ՀՀ օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր

հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և իրավագիտակցությամբ:

Այսպիսով, դիմումատուի արարքում բացակայում է «Վարչական իրավախախտումների վերաբերյալ» ՀՀ օրենսգրքի 123.5-րդ հոդվածի 3-րդ մասով նախատեսված վարչական իրավախախտման դեպքը, ուստի ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին կետի «ա» և 293-րդ հոդվածի 1-ին մասի 3-րդ կետերով՝

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 07.11.2022թ. կայացված թիվ 8180165597 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել դիմողին և ՀՀ ոստիկանության պարեկային ծառայության Երևան քաղաքի գունդ:

Պետ,
ոստիկանության գնդապետ՝



Ա.Ումրշատյան